

مستطابق

محل مطبعه و اداره :

جغسال اوغلانده امنيت

صندوغى جوارنده

شنكول يقوشنده

۲۲ نومرو

اظطار :

مسلكمزه موافق آثار

جدید مع الممنونیه

قبول اولنور

درج ایدلهین آثار اعاده اولنماز

دیه ، فلسفه ، علوم ، حقوق ، ادبیات ، تاریخ ، سیاست ، و بالخاصه احوال و مشورہ اسلامیه در بحث ایدر و هفته ده بر نشر اولنور .

آبونه بدلی

صاحب و مؤسسلری :

درسعادتده نسخہ سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرله دن مقوا بورو ایله کوندریلیرسه سنوی

۲۰ غروش فضله آلنیر

۱۰ تموز ۳۲۴

سنه لکی	التی آیلغی	غروش
مملک عثمانیه ایچون	۶۵	۳۵
روسیه	۶۵۰	۳۰۰
سائر ممالک اجنبیه	۱۷	۹

عدد : ۱۱۲

۲۳ شوال پنجشنبه ۱۵ تشرین اول ۳۲۶

بشنجی جلد

حسین دانش بک نطفی

بونی متعاقب ادبای ایرانیه دن حسین دانش بک ایراد نطفه باشلادیلر :
افندیلر ،

ایرانک اخیراً کچیرمش اولدینی انقلاب حقنده تفصیلاته کیریشمک و بونک تاریخیچه سنی یا عمق زائددر ظن ایدرم . چونکه تکمیل غنجه سیاه ایلک دوره اختلاندن تاصوک دوره تکاملنه قدر کچیرمش اولدینی صفحات صره سیاه غزته لره کچمش ومدقین ، مستشرقین طرفندن لایقینه تدقیق اولمش ، دلائلیه ، وثائقیه درج و کتب ایدلمشدر . ماضیه عائد یالکز برشیشی ذکر ایده جکم : قدمی ، اسکیلکنی !... بش ، الی بیک سنه لک غنجه لره قاریشان بر زمانه باقه جق اولورسه ق ایرانک بک قدیم بردولت اولدینی تظا مرایدر . برملتک قدیمی اولمق بر شرف مخصوص در . قدم یشامغه لیاقتی اثبات ایدر . دیمک یشامغه لایق ایش که یشامش . بر مزیقی اولمایان ، قومشولری آراسنده یشامغه لیاقتی بولونمایان برملتک بک چابوق مضمحل اولدینی تاریخ دفعات ایله اثبات ایتمشدر .

شوقدر وارکه اوقدیمی تشکیل ایش اولان بر دوره وارددرکه اونوی وجوده کتیرن بر صفحات تکامل موجوددر . او اسبابه مبنی درکه ایران بوقدیمی احراز ایتمشدر . ایرانک کچیردیکی ادوار آره سنده بیوک انقلابلر ظهور ایتدی : اولاسکندر فتوحاتی ، صوکر اعراب استیلاسی ، دها صوکر ا روم منازعاتی ، ونهایت بو کونکی حال ، که بو دردنجی یی تشکیل ایدر .

شوحالده بوقدر معظم بر حکومت ، هندستانه حاکم اوله جق ، وسیع قطعاتی اله کچیرد جک برملت نصل اولمش ده بو کونکی درکه انقراضه دوشمش ؟ بورالردن بحثه حاجت یوق . او ادوارک صوکر ا درجه درجه دوشمسی و بو کونکی انقراضی وجوده کتیرمسی بر چوق اسباب تحتنده در . ایران اوزرینه مستولی و فاتح اولان ملترک آثار ایرانیه یی تخریبسه چوق مدخلی اولمشدر ، که ملتی ده ژنه ره ایتمهک چالیشمشدر .

یالکز شونی سسویله جکم که ایرانک قدیمی دیدیکمز وقت بونده بر مزیت کوریوزر . ولوکه نابودی به محکوم اوله جق کبی کورونیور . سده آیری آیری بر طاقم قوتلر موجوددرکه حسن استعمال و تهییج و تشویق ممکن اولسهیدی ، بر هیئت مجتمعه متکامله موجود اولسهیدی ، بوکون حقیقه ایرانک کنندینه لایق بر موقعی بولمش اولوردی .

ایرانی یاشاتان او قوتلرک بریسی شودرکه ایرانه کلن فاتحلر واقعا مملکتی استیلا و تسخیر ایتمشلر ؛ فقط (آسیمیله) ایدمه مشلر ، ایرانلیر ملتارینی هیچ بر قوته قارشلی ترک ایتمه مشلر . اورایه کلن فاتحلر قلیجله مظفر اولمشلر ، فقط معناً مغلوب اولمشلر . حقیقی غلبه ایرانده قالمش .

بر مسئله وار : ایرانک بوندن صوکر ا یشامسی ممکن اوله جقمی در . ایران بر چوق خطالرده بولونماش دیسه م یالاندر . عصر لرجه دور استبداد آلتنده ایکلهدی . اودورده اهالینک کوردیکی ظلم ،

ذکاسنی ایشاه میه جک بر حاله کتیرمشدی ، که ارتق بویله دماغلردن بیوک بر شی بکله نه مزدی .

سیاسه بر خطا دها اولدی : ایران ایکی قومشو دولتک رقابتدن استفاده خولیاسنده بولوندی . ظن ایتدی که هب بویله قاله جق ، یکدیگری نه رقیب بو دولترک اتلافلری هیچ بر زمان قابل اولمایه جق . حالبوکه عکسنی وقوعات اثبات ایتدی . دیمک ایکی دشمن دوست اولورلر مش .

بونکه برابر استقبال ایچون بدین اولمق ایسته م . چونکه آلوریرکه بوقوتلر ینه اجرای تأثیر ایتمهکده و فعال بر حالده بولنمده در . یوقسه ایرانی شاشیرتان بونا که ظهور و قعه در . ایران دوشونمشدرکه اگر استیلادن قورتولورسه حسن اداره ایله حیاته بر انتظام ویره بیله جکدر . بک اوقدر خاطره کلزدی که خارجدن بوقدر ممانعت کورسون .

بر مسئله وار : بر ملتک قدیم اولمسی و ماضیده چوق شیلر کتیرمسی مدار افتخار اولمق اوزره کافی دکل . ایلریمی ایچونده یاشامق قوتی اولمی . اونک ایچون بوندن بویله یاپه جنی شی - نصل که یاپمه چالیشیور - انزناسیونالیزر حاله کلکه ، باشقه ملترکی یشامغه غیرت ایتکدر . اوروبالیر یاشا شهرق اوسلسله دولیه نک ، او فاملیانک ایچنه کیره بیله جک بر مسملک طوتولمق لازم در .

فقط ، کچمش سیاتی بر دها یاپامغه متوقفدر . مثلاً : اوروپاچه مشهور بر شی وار : « شرقده عدالت تمامیه اجرای حکم ایده مز . » بونک عکسنی اثبات ایچون عدالته ، تلیم و تربیه ، بر چوق فضائل کزیده اجتماعیه نک توسیعه چالیشمی . بر زمان کلیرکه مملکتی نصل اداره لازم اولدینغی ، نصیحت آلمق سزین ، تنظیمه موفق اولورلر . فقط هر شیئی بیلیم ادعاسنده بولنمق خطادر . خصوصیه قونستوتسیون « دنیان شی غریبدن کلدیکی جهته ، ممکن مرتبه ، اهالینک استعدادی نسبتنده ، نطقلره وسائر واسطه لره بونک ذهنره القاسنه لزوم واردر ، حالبوکه ایرانده بویوقدی . فلاکتی ده اوندن در . بوضورتله یاپیله جق اولورسه استقبالدهده یشار .

یالکز بر مسئله دها وار : بعض محللردن « بزه ایران شسویله یاپیور ... سیاستده شو خطا ایدیور ... » کبی سوزلر ایشیدیانجه ایلک وظیفه مز ، عجباطوغرومی ، دکل ؛ بونده بر تزویر سیاسی وارمی ، یوقی ؟ بونی تدقیق ایتکدر . چونکه خارجدن کلن اخطارسیاسی یی دائماً دیکله میز ، سیاسی نغمه لره دائماً قولا ق آصملی یز . « بزبیلدی کمز کبی بابارز ، ایی دوشنور وای اداره ایدرز » دیرسه ک یا کلش بریولدر . برده دوشونمکی که ساسانیان ملوکی آراسنده نوشیروان کبی بر پادشاه واردر . دنیانک هیچ بر نقطه سنده آثار مدنیت اوافق بر ایز کوسترمه مش ایکن بو پادشاه عدالتپور مملکتی مظفر عمران ایلدی ، و پیغمبر آخر الزمان بیله کندیسیله افتخار ایتدی . بویله برملت ایچون ایلرودهده عدالتی تأسیس ایده جکنه امنیت واطمئشان اوله بیلیر . ایرا نلرک استعدادی ، ذکاسنی کیمسه انکار ایتمز . یالکز تجربه سز-

لکړی وار ، و بډه اخلاقک بوزولمسی نتیجه سی اوله رق خطالره دوشولمش در . مع مافیه اوده کیتدکجه ، اوروپا ايله اختلاط سایه سنده زائل اولاجق در . بر ملت که حقنده (لوکان العلم فی الثریالنه الفرس بیورلمش در . علمه او قدر مقنون بر ملتک هیچ بروقت آتسندن نومید اوله مام .

بر مسئله دهاوارکه ایران ایچون اسباب سعادتدن صایلیر : خونی ، لسانی و عرقی اوله رق ملت واحده اولمسی در . بونک ده بیوک بر قوت تشکیل ایتدیکنی سامعین کرام حضراتی تقدیر بیورورلر . بر باشقه کیفیت دها وارکه ایرانک آتسی ایچون امید بخش در . ایرانده یشایان عشائرک ، شهرلره اختلاطی آز اولان عشائرک حسن اخلاقی محافظه ایتلری ، فضائل فطریه لرینی هر نوع تعرضدن مصون بولوندیرمش اولمسی در . بو عشائرک اخلاقی دها تمیزدر . بډه بر قوت تشکیل ایدر . حسن تربیه ايله بونلر کوزل بر عامل اوله بیلیر .

والحاصل - قیصه کسه لم - بر مملکت که اوزون بر قدمه مالکدر ، مدنیت و انسانیت بر چوق خدمتی سبق ایتشدیر ، بر چوق ادب ، شعرا ، حکما یتشدیر مشدر ، اسلامه ایتدیکی خدمتده عربک کندن اکسیک دکل ، هر هانکی بر یولی اله آلمش سه توسیع ایتش ، کندی ملیت و قومیتی اوکا درج ایدرک مال ایدیش ؛ بویله بر ملتک البت یشایه جفته امیدوار بولنورم .

کچمش خطالره ینه بر دها دوشمه مک اوزره بو حادثاتی اینه لظه مد'ر اوله جق وقوعات قییلندن عد ایدرم ، و بویله اوله جفته ده امید وارم [آلفیشار]

توفیق بک افندی نطقی

بونی متعاقب دبستان ایرانیان مدیری توفیق بک افندی ینه قارا بک حضرتلری طرفندن سامعین کرامه تقدیم اولوندی .

توفیق بک :

« رفیق محترم حسین دانش بک ایرانک احوال تاریخیه سندن خلاصه » بحث ایتدیله ، بنده کز بو بابده بر آرز دها تفصیلات ویرمک ایسته یورم . شو قدرکه نطوق اولمدیغم ایچ-ون یازدم ، مساعده بیورولورسه او قوییم »

دیه بر مقدمه یابدندن سوکرا ، ایرانک تا ادوار ابتدایه سندن باشلا بوق کچریدیکی صفحاندن بحث ایدرک وهر دورده یتیشن حکمدارندن اسملریله خبر ویره رک بر مصاحبه تاریخیه یابدیلر . بیوک بر احاطه ، درین بر تتبع ايله بیکلرجه سنه لک وقایی ذهنلرده تقریر ایده جک صورته یازیلان بو مقاله نفیسه تاریخیه بر مجموعه علمیه صحیفنی بحق ترین ایدر اولدینی حالده بوراده سامعینک تهییج ، اندیشه ناک حسیاتی اوزرنده لازم کان تأثیری یاپمیدی ، بونک فرقته واران توفیق بک افندی مناسب بر یرنده کسه رک آتیده کی جمله لره مهم بر مسئله اوزرینه جلب انظار ایلدی و شدتلی آلفیشلره مظهر اولدی : ایسته ، افندیله ، بو قدر اوزون بر تاریخه مالک اولان ایران هیچ بر زمان اجنبی بویوندوروغی آلتته کیرمه مشدر . بونک ده اک

مهم سببی ، ایرانک بتون مناسبیه ملت واحده اولمسی در . ایرانده اختلاف عناصر یوقدر . یکانه بر عنصر واردرکه اوده ایران ملتی در . افکار ، منافع ، وغایه آمال بر در . اتحاد و اتفاتی دائمی در . واقعا بعضاً - جهلدن ناشی - آرهلرنده اختلافلر ظهور ایدرسده ، بو احوال داخلیه منحصردر . خارجدن بر دشمنک هجومی حس اولونجه بتون خصومتلری بر طرفه براقه رق دشمن قارشوسنده یکوجود ، شجیع ، فداکار بر کتله متحده کورولور . اجنبی بر عنصرک ایرانده یرلشه بیلیمسی ممکن دکلدر . چونکه اجنبی کیرنجه زائد بر عنصر اولور . ایران اوله ظن اولوندینی کبی برلشمسی قابل اولماز مختلف ، پریشان قوتلردن عبارت دکلدر . بونلری طوپلامق بر کله یه باقار . اوتهدن بری ایرانلیلر نجفده کی علمای اسلامه مربوط اولدقلری ایچون اهالی اوزرنده اولرک بیوک تأثیری واردر . بر کره او علمای کرام (وجاهدوا فی سبیل الله) دیه جک اولورلر سه بتون ایران قیام ایدر وقانلرینک صوک دامله سنه قدر دشمنله اوغراشیر .

مع مافیه مقصدم بو دکل ، ایران هر حاده ایرانه مالک اوله جقدر . چونکه دیگر عناصرک اوراده یرلشه بیلیمسی قابل دکلدر . تاریخ بونک شاهدی در . کیم ایسترسه تجربه سنی یاپسون . نیجه اعظملر ، فداکارلر یتشدیرن ایران ، ینه او ایران در . نیجه خارقه لر کوسترن ملت ، ینه او ملت در ... [آلفیشلر ...]

کردستانه ایرانی شیخ الاسلام مافیه حسن افندی نطقی

بوندن سوکرا ، ملت اسلامییه بر چوق خدمات نافع سی سبق ایدن کردستان ایرانی شیخ الاسلام سابق فاضل و محاهد محترم حسن افندی حضرتلری طرفندن فارسیجه مهم بر نطق ایراد بیورولدی . عموم سامعینک بو لسانه واقف اوله نامسنی نظر دفته آلان فاضل محترم سوزی مهم جمله لره خلاصه ایدرک ، آلفیشلر ایچنده ، عالم جان افندی یه ترک ایتدیله .

عالم جان افندی نطقی

عالم جان افندی ، منور الفکر کنج ، صاف وسوعلی سیالی بوتاتار کنجی ، بو محترم قارداش مزده صمیمی آلفیشلره استقبال اولوندی .

سامعین کرام حضراتی ! - دیه باشلادی -

بنده کز ایرانک تاریخ قدیمه و حال حاضرینه دائر تفصیلاته کیریشه جک دکل . زیرا خطبای کرام حضراتی بونا بده سوینلنه جک سوزلری کال بلاغت و طلاقله سوینله دیله . بن آنجق بو صوک کونلرده انکلتزه حکومتی طرفندن اعطا اولنان اولتیا توم سبیلله حاصل اولان تأثر و انفعالمزلی اظهاره جصر مقال ایده جکم .

انکلتزه حکومتک ایران حکومتیه بر اولتیا توم کوندروب اوچ